

أبو عارف الصالحى

الخلود

شعر شعبى

الطبعة الأولى يناير 2020

بطاقة الكتاب

عنوان المؤلف	الخلود
المؤلف	أبو عارف الصالحى
التصنيف	شعر شعبى
رقم الإيداع القانونى	5369 - 2020
الترقيم الدولى	978-977-6771-69-7
رقم الإصدار الداخلى	599 الطبعة الأولى فبراير 2020
عدد الصفحات	94 صفحة

جميع حقوق الطبع والنشر محفوظة للمؤلف، ولا يحق لأى دار نشر طبع ونشر وتوزيع الكتاب أو ترجمته أو الاقتباس منه أو نشره على النت الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

البريد الإلكتروني: nagyegy200064@gmail.com

البريد الإلكتروني: alnilwaalfourat@gmail.com

(القرن الرئيسي: ج.م.ع. محافظة الشرقية - العاشر من رمضان - مجاورة 13 - امام سنتر الد3 - عقار 304

الاهداء

الى روحك الطاهرة
والارواح الخالده في سماء المجد.
اليك يا ثائر بوجه الطغاة
لم يجف قلمك عن الحق
حتى تحمل عذاب ومحاربة الطغيان
والحكومات الجائرة .
الى اخي المرحوم أبو عارف الصالحي
اليك يا من نذرت نفسك
لتراب العراق
وعشت في مهد الحضارة
صاحبة الحرف الاول بالعالم هي الناصريه

المقدمة..

تفتخر كل الامم بتاريخها الحضاري ونحن العراقيون جزء من هذه الامم ، حيث حمل تاريخ العراق مجالات شتى نفتخر بها .

لذا كان الشعر الشعبي جزء من هذا التاريخ في محافظة ذي قار وكان لشاعرنا مواقف عدة يشهد القاصي والداني .

بدا حسينياً ومات في حب الحسين عليه السلام كتب الشعر لا هل البيت فقط وكتب ضد نظام الطاغية وهاجم الحكام الفاسدين في بداية كتابته للقصيدة واكد على الوحده بين اطياف الشعب العراقي .

عانا الشاعر في فترات كثيرة من الاحزاب الحاكمة والتسلط والطغيان حتى كان قاب قوسين او ادنى عن حبل المشنقه من جراء كتاباته في حب الحسين ع .

يعتبر هذا الديوان الاول حيث كتب قصائد متنوعه بين الرثاء والمدح في حب محمد وال بيت محمد وعن العراق

شماله وجنوبه وعن مدينته الناصريه وارسى دعائم الحب
والعاطفه في قصائده بين العراقيين .

اسمه رعد ظاهر فالح الرميض الصالحي , من مواليد
1957 ولد في الناصريه مدينة الحرف الاول من عائلة فقيرة
تعشق الشعر ومنهم الشاعر زامل سعيد فتاح .

ترعرع الشاعر في شارع الحبوبي وكانت اجمل ايامه
فيها لم يغادر ارض الوطن نهائياً مع وجود فرصة لتركه .

كان صاحب محل حداده في السيف علماً انه من
المؤسسين لجمعية شعراء ومنشدي المنبر الحسيني في
محافظة ذي قار مع اخوانه حسين العبودي ومهدي مساعد
وكاظم ساجت ومحمد دنيف وعلي الطائي واحمد حسن
وعادل الحمبوزي .

التحق بالرفيق الاعلى يوم 15 رمضان في عام 2015
يوم الخميس في جامع السيد راضي اثناء قرائته لقصيدة في
ذكرى ولادة الامام الحسن (ع)

ذي قار

صباح الخير يا ذي قار

الج ولناسج الحلوه

اردها الفجر كل يوم

يكحل العين ياسلوه

اقبل ايدج الترفه

مثل ايد امي من اكعد اقبلها

واحسن بيها وي روي

وهي بروحي احنلها

يكفيني بهويتي تصوير

اسمها وبى مسجلها

صباح الخير يا ذي قار

من زقوره اور واكد حاملها
عشت وياج عمري وفرحي واحزاني

يا اهلي

وعزوتي وعطر ديواني

يا اول

حرف انكتب بالتارخ

وعلمتي

الكتابه القاصي والداني

هاي الناصرية

الجانت ابراهيم

هيه اول

بكلشي وغيرها الثاني

يعني اول حرف

واول خليل الله

بيها شلون
هندي الطاعي سماني
بلاتاريخ
صارت دول لاعنوان
وانا الواضح
اومعروف عنواني
صباح الخير ياذي قار
من كل كلبى اطلعنها
طبع بينا طبع عشاك
بذكر المحب ديدنها
ومثل ماتحضن النخله
عكها الكاع نحضنها
عزيزه الناصرية هواي
عزيزه شما اعاينها

عهد

نبقه ياوطن
كلنه الك عشاك
ويامسعده
وبخته الحبك وحضه
انت ارتاح وامن
واحنه الك حراس
ييو كاع الذهب
ومطرزه ابفضه
لاتاهم قبلنه
من اجوك اجناب
لجن دنيانه

جانت بينه مختضه

بعد بهلك عزم

من ثورة العشرين

وبعد عالاجنبى

وضلته معترضه

الوطن عدنه مقدس

وابد ماينجاس

والرايد ايقبله

ايكوم يتوضه

عضم حيه اهل هالكاع

والله اتصير لو تنداس

حدر جدم العدو

لوشبر طب ارضه

مو مثل الدول

هذا الوطن ينقاس

لان كله متناسق

طوله وي عرضه

راد الكون بلعه

ماقدر غص بيه

هسه شلون

تقدر تنبلع ارضه

انهض يا عراقي

وكافي عاد النوم

الوطن ماينحرس

وعيونك مغمضه

يردون العراق

وحكمه الهم دوم

واذا ما حصلوا

يردون بيه فوضى
خل الباع ارضه
يرفض الدستور
جلمت نعم تكسر
عظمه وترضه
واذا هاي النجف
وافقت على الدستور
بعد يافيتو يكدر
هلحجي ينقضه
يظل هذا الشعب
ماينحني للموت
لو فجر الحاقد
بيه الف نهضه

الى الوطن

ونردها ان شاء الله
من الحايك احكوك
صدك
ماتهنوا ابدا الباكوك
وابدا موش منه
الحاولو بوك
وصدك جيثوم
اجاك ابنومتك خناك
وتثلاثين طول
فوك خندوك
بس لحمد لله

ياوطن فزيت
وظن هانت الصعبه
ومحد يعوكك
سبع تالاف عمرك
وانت بعدك حيد
وبعد دجلة و فرات
اتفور بعروكك
ياشاهول بنه
الخله بيك اثار
وبسعر الذهب
ينسام طابوكك
يضل مايك
فراتا طيبا يعراك
وتظل نخله ام عيسى

وراويه عثوكك
بحر فرعون مايك
بس نبي فجاه
وياكافريطبك
مايضل فوكك
هذا الكون جنه
وكلشي بيه ينضاك
وبس انت تفاحه
وحرموا ضوكك
اضل انا بهواك
متيم من اسنين
ويهنياله بهواك
المات وبشوكك
ولو دورت عاشك

ياوطن فد يوم
اول ماتحسب
انه معشوكك
واذا هسه انتخاب
ايصير الك يهواي
ادك الروح خشبه
ابخشب صندوقك

الخلود

تبجي الناس
موتاها بثلت تيام
ونتته الناس
هاي سنين تبجيلك
يامظلوم مثلك
صار منجه وفوز
ماخاب الكصدك
يوم يشكيلك
عدل يا فرعة
المنيوب من ينخاك
يامنجي ومعزة

وفاز من حيلك
يحسين اشكولن
بيك ما اوفيك
ياالمضحي احياتك
بيش اضحيلك
يلي اندرت
روحك للعدل قربان
جزاك الذبح
بالطف محد يشيلك
حر واحد طلع
من بين الف يا حيف
يلمضوي الظلام
بنور قنديلك
ياعز السلاله

بهاشم وعدنان
لو كالأناساب
الناس توأميك
حسين الصار
اسمك للصبر عنوان
وصرت كعبة
محبة الخلق تسعيك
الرمح ماشال
راسك هو بيك انشال
ومن رتل
فوكه عله بترتيك
من الصين تتعنه
وتجيك الناس
وزحف من الصحن

للحضرة تحبيك

ياوارث محمد

سنه والقران

ومن يضمى النبي

يرتوي بتقبيلك

انتاه اولك دين

واخر ك جنات

وانه يوم الحشر

يا سيدي ادخيلك

ابد مارجف جفك

من اجوك الكوم

رحت صليت

والعدوان تصغيك

نجم لمن طحت

بيك انرجم شيطان

من راد ابن هند

يحرّف انجيلك

الى س

كالو وعر دربك
بس مشيته بزود
وكلب غيري بقه
من خوفه يجمد
لن ادري النجاه
اباخر المشوار
واضح صار عندي
الابيض والاسود
ولا همني الطعني
ابساعة المعتاز
خنجر جنت احسبه

الي كلمن صد
همني الصار بيني
وبينه ملح وزاد
بقه من شوفتي
يا حيف يتلبد
وانا خادم حسين
وكلي رفعت راس
مازلت يوم
وربعي الي تشهد
ابتعب والله جبتها
سنين تتلي سنين
من جان الظلم
عالشيعه بس يشتد
ومن صار الجزر

ماهمنه الي يصيدون

صبرنه وكننه لابد

هم يجينه المد

كتبه من الارواح

الواح لجل حسين

لان بحسين يبقه

وكلشي يتخذ

اليوم اكشف اسرار

الخافيه من سنين

ولمكظوظ عندي

منل الفشل ينهد

كظم الغيظ ذله

اتحسبه بعض الناس

وخافن على

روحي ابهاي تتعود

وكالو عالكريم

اتملكه بالتكريم

وذا تكرم لنيم

اعليك يتمرد

اثاري الشيب

ابدا ما اله مقياس

عله كل هامه

يثبت فوكها ويمتد

مو كلمن يصفط

بالحجي حجاي

مثل نار الكصب

بس طكطكت تخمد

يل جاي ابتوالي

الضعن كض تاليك

مو منه اليعوف

احسينه ويرتد

ولامنه المرائي

بعشك اهل البيت

والسواها ينزل

وبد مايصعد

شرف حب الحسين

وماخلفنا بيوم

مو ثوب الحيايه

اتلبسه من تبرد

ام ابيها

شما نكول اليوم

عالزهرة قليل

وياهو يمها

اليوصل ابشعاره

لو الف ديوان

يكتب مستحيل

شما عصرشاعر

واديب افكاره

الزهره تصنيع

ابعلم ربنه الجليل

وربنه ادراه

و اعلم ابسره
معجزه للناس
رايدها ودليل
للعرف جنته
و يعرف ناره
للحبيب المصطفى
هي السليل
ونزلت من السمه
احلى ابشاره
المايحب فاطمه
عن دينه يميل
ويضل مثل
اليعدون احجاره
هي نور وابد

مامنه مثيل
عله الدنيه اليوم
طش بنواره
احنه واحد نورنه
وماكو بديل
منين جبتيو
اثنين ياغداره
هاي جدها الصار
للباري خليل
وهاي ابوها
النزل وحي ابداره
هاي بت هاشم
وعدنان الاصيل
هاي بت الوصه

سابع جاره
هاي ابن عمها
علي حامي الدخيل
صبي ويحرس
جان طه ابغاره
جم زعيم الصار
يم حيدر ذليل
وكامت اتلوذ
الزلم بكتاره
هاي ام الحسن
ذي الخلق الجميل
ابو ديوان
الشبع خطاره
هاي ام حسين

شنكول اشنطيل

وهو كل الكون

بيه اخبار ه

تبقه دم

اعيونه الها تسيل

شما ذكرناها

غدن مطاره

ويبقه يذكرها

جيل بعد جيل

وبصدر كل شيعي

الم بسماره

حب علي

الراد بالجنه

يحصله قصر

خل يحب المرتضى واولاده

المايحبهم

مايتم دينه ابد

رد على ماضي ثمود و عاده

باخرة نوح

الركب بيها نجه

كاله طه وصحيح اسناده

ركن من اركان

دين الله علي

ثابت ويا هو الوصل لامجاده

زقة ابن عمه

بعلم محد حواه

مدرسة وبس علي من رواده

علي من طالب

اجه ومن فاطمه

طك جدار البيت من ميلاده

الناس راعي

وراعيه منذ القدم

بس علي اولده عليها الساده

كبل ادم كبل

لا يبدي الخلق

علي من ضمن العرش واوتاده

كالو انغالي

اذا كلنه الصدك
و الصدك يا حيف محد راده
الشيعة تكبر من
يمر بيها الظلم
وحب علي محد يفك اشداده
طفل حيدر
ربه بحضن المصطفى
ومضغ من ايمان طه وزاده
وشاف انوار
الوحي ابيت الرسول
بعده باصنامه الغدر والحاده
وطه من حظ
الولايه بجف علي
كشف اوراقه وعلنها احقاده

هذا حيدر

ماحنه راسه لصنم

طاهر الاصلاح مثل اجداده

باب حيدر

للمدينه ابلا نزاع

الفتاحه حيدر علي وسداده

بقي فارسها

علي ابسيفه يصول

انشد ابن العاص يوم الراده

عود فارسها

واجه مثل الزلم

نزع ثوبه وشرذ من مقداده

حيدر الخاتم

شهدله وذو الفقار

لا كرم حاتم و لا شداده

اليوم حيدر

روضه من روض الجنان

كل عليل ايطيب من امراده

انجان مقياس

الصحيحه بالعدد

وشوف فوز حسين منه الزاده

زور ابو السجاد

وانظر حضرته

و وين ابن مرجان وين اسياده

ذيج سامرا

عليها احسن ذهب

رغم غيض المبغض وحساده

عجز الوصف

تضل يا صاحب

الحضرة العجيبه

بضريحك زود ياسيدي وهيبه

اذا كبرك ذهب

جا انتة منيش

عجز بيك الوصف وشلون اجيبه

وعجيبه كربله

وعملتها وياك

يريحان النبي والله عجيبه

الحدائق والورد

حاطن ضريحك

وهو الورد منك اخذ طيبه
لان يحسين
امك زهرة الكون
ومن عدها الورد نسخته وطيبه
تجي الوادم
تزورك تطلب امراد
وكل زاير الك يشكي مصيبه
وكل واحد
يرد الالهه مرتاح
واضن هل حالة ابدأ مو غريبه
يحلال المشاكل
صرت للناس
يمنطي امراد كل طالب طليبه
ييعسوب الوكت

بيك امن الكون
يوارث عيسى ونجيله وصليبه
اظن موش الحسين
الوكع بالطف
وشبيه حسين مامسوله شبيه
حسين ارتفع
باذن الله وصعد فوك
ونزل وحي الله ناده شهل مصيبه
وذا هذا الامر
لحسين ميصير
اظن هالعيشه بالدنيه مريبه
اهو الابرص
يعرفه اله ذباح
ويدري بسهم المثلث يصيبه

بس امر السماء
الراد ت حسين
دمه بكربله عالحك يسيبه
لبس درعه ابو
اليمه وكال ثوره
اجه وكل هاشمي ايعادل كتيبه
ابن هند اللعينه
يحكم الناس
وضل دين النبي ابحاله عصيه
يقيناً واضح
امر الحارب حسين
ابداً مو نقي مصدر حليبه
بكلبي حسين
حبك شجن والام

وبيه كل مرض انتہ طبيه
لجى عليك
كد ماجه يعقوب
لمن عمين اعيونه وجل نحيه
وذا ماصدري
ياظملك بكل حين
ويضل بركان يطاير لهيه
على نهجك
نضحي بكل الارواح
ولجل حبك دفعنه الدم ضريبه
الشمس كل يوم
تطلع ترجع اتغيب
وتضل شمس الحسين ابلايه غيبه
المدينه وكعبه

الله تنتخي بيك
وبلا نهجك قدسنه اضل سلبيه
اهو مره الفرات
انقطع يحسين
وسكن حدر الكبر مادب ديبه
تجي ساعه
الباري يوم وتقوم
ويضل الابوما يعرف ربييه
ابوه حيدر علي
المادنك الراس
وجده الخاتم وامه النجيه

عشك حسيني

احبن واليحب

بالشرع مو عيب

وحبيبي بحظن امي بكلبي نمرش

وبقه يزداد

حبه شما جزة يوم

ونمه بسباح روي لمن نفرش

عش حبي بنيته

بلبة الروح

مثل طير باعالي الشجر عشعش

ربه وي عروك

دمي وصار مني

يعني لو افلشه وياه تفلش
حبه بدمي يجري
ويه الكريات
واحسه بعيد عني واله اتعطش
عشكته عله الفطرة
ومن سجايي
كلب وياه وما ز غلط و لا غش
وذهب صافي
يحبته ولا دغش بيه
ومو من فوك بس مطلي ومزركش
اله تكله الذهب
لو شالته الايد
والشبه مفضوح من صوته يتخرخش
بهويتي انكتب

اسمه واسمي وياه
 رغم عاذل عليّ دومه ايتمرعش
 وشجم اسم
 من اسمه غده وراح
 وخسر مرتين كلمن بيه تحرش
 كاتبله شعر
 بيه تنكص اركاب
 ابوكت جان الكتب للغير كرش
 اعلنت حبه
 بزمن ماينعلن حب
 وحكم حجاج يعدم ناس بالرش
 ادري ومايدوم
 بهاي دنياي
 كلشي وجم صلب بيه صبح هش

يصاحب لا تغشك

هاي دنياك

جم واحد بواحد نفخته وفش

عدل وي العدل

لو صرت متطیح

زمانه مانج کلن تخشش

انه احجیلک شعر

واحسبني مجنون

مو بطران اجیت اولاً اطنش

يا غريب

اديار جدك

يبين فاطم ترتجيك

ضنه ترجع يا ابن خير البشر

تعتقد طه النبي

من وصه بيك

ونته بين اسلام مايك خطر

محسبة امك

فاطمه ياهو يدينك

ماورث جتلك صبح عدهم ضفر

ونته ابن حيدر

علي هذا يكفيك

يا قريش ألما تهابك يا مضر
وحدك فوك
الكاع محد يعتايك
والحواجب ماعلت يوم النظر
شافت من الكوفه
دعوتهم تجيك
و مادرت بكلوبهم ممليه شر
ماخذت يحسين
من ماي الفرات
شو متت عطشان وبصفك نهر
كالو احنه اوياء
وندارو عليك
وكطعو مسلم كبل جيتك وذر
واحد انتة وميت

الف كلها ترميك
شي نبل ورماح شي ترمي بحجر
ولا رضيت الطاغية
يصبح وليك
ولا رضيت الدين يهوه بمنحدر
ذبحوا ابنك
سيدي ما بين ايديك
سهم وبركبت طفل حزها وعبر
ولا تتولك
عزم يالحيدر ابيك
ثرت جل بركان من طاح الكمر
شنهي صبرك
ياصبر الله منطيك
جبل لا والله الجبل جاما صبر

لجن شفت الدين
ها يوكع وشيك
يا الله نالوا منك وحزو نحر
فتنه من الشام
جانت تعنتيك
بيك مكروا وبيهم الباري مكر
والله لو بعد
بكتر ذولة يجيك
لوله ما عندك امر محد كدر
لاك التدوي لجل
ترضي باريك
اصبحت موعضة للناس وعبر
انته ابن هيجاء
محد يباريك

الف هام ابصارمك ذل ونطبر

ونتہ بالایمان

يا هو اليد نا ليك

وبحقكم الايات نزلت والصور

ياسليل المجد

مايخفه ماضيڪ

يا ذهب من ذهب يادر من درر

تنغث العدوان

لو جنبه طاريڪ

الهسه يامولاي ويمرها الكدر

ياوكح العيون

يا وكح العيون
الما بجت لحسين
وأتوشل دمعها بحركه وتهله
ركس مركب الغيرة
بكربلا من طاح
ومثل سبي الاجانب من سبو اهله
كفر ويهود ذبحو
جم نبي معصوم
وبيا دين ابن فاطم يحل جتله
تنشل الجروح
بكل وكت وطيب

يبو جروح الغمأك المألهن شله
شما ردنه نشل
واحد من السبعين
يجي سكته اليهودي بخنجره ايحله
اذا ابنه يصلي
بنبي عيسى أيمام
جا كلي ابوه بجم نبي صله
ياحبك اجيال
شيله بعد اجيال
بكل عقل و ضمير و محد ايمله
ياهمزة وصل بين
الارض والكاع
يل نلت المكارم و العلا كوله
يل ثورتك صارت

شاهد وعنوان
لكل حر و شريف المارضه بذله
ياكاشف غيوم
الجلجت عالدين
يا وارث مجد و مكرم الزلة
يل درسك طه
وحيدر باتقان
يا عالي و عليك المجد اتعلة
صرت لا من زياده
البيك لانقصان
الخلل موجود بيه العنك تخله
حسين انت الوسيله
عل ارض للناس
والطايع تنهضه المايل تعدله

عليت بلایه ريبه
ولا حنيت الراس
يا عقد و سند للصبح بيه خله
تره الحنظل يصير
بحك كل مظلوم
لو بس يذكر اسمك ريجه يتحله
اذا مره الوقت
سد بوبه عن الناس
يظل بابك مشرع كلها تندله
وحك كطرات دم
حسينه المظلوم
اذا بعيوني شح
الماي عن ابجاه
اخليهن دمه يهلن ويبجله

ابوذية مجارات

إني بحبك يا حسين متيمٌ
من حيثُ لا ادري بها أو أعلمُ
مذ كنت في احشَاء أمي مُضغة
صرت الهوى فُتَعانق الهوى والدمُ

ابحضن أمي احظنت حبك
ونه دم

وصار اسمك ينادمني
ونه دم

جم عاشك ترك عشكه
ونه دم

الك بين الرسالة الاحمدي
ماهزني الوجد

ماهزني الوجد إلا في محبتكم
يا آل بيت رسول الله إيماننا
نور من الله انتم لا جدال به
حتى ينزل فيكم وحيه قرانا
من لآمني في حب احمد كافرا
أو لآمني في الله خسرانا
نيل الشفاعة منكم صار مصدره
و الزاعمون لغيركم بهتاننا
لا يملك المرء إلا ينحني جلا
في ما ملكتم من الرحمن سلطانا

وقف

سجلت روعي

وقف بسم الحسين

وأست دمعى اله بماى الورد

وكلبى ابيض

ماعشك غير ه وهواه

عشك ماصار و جده ولا ينوجد

هذا انه

و يلمضي عني تعال

عالي بيتي أواضح ابلايه نشد

وانه بيت حسين

بيتي وما اتيه

و خادم أشرف اله و ابقى عبد

لوني جون

وكل سمار الكون بيه

لكن كليبي مثل لون القند

وانه احب حسين

حب حد الجنون

و بالكلب طبع العشك مو بالجد

المايكد بكلبه

حب لأهل الكساء

ما يجد باخرته معبر ما يجد

الناصرية

يديرته العظيمة

الشامخه بكل حين

يماصله ولكل تحلف ابراسج

جنوبيه وسمارج

من سما رالكاع

وعذب ماي الفرات الكاسم اشفافج

يل حسنج جمع

مايين صحره وهور

يل معطره الهوة لو يمر بنفاسج

انتي ام الحضارة

ويشهد التاريخ

وذهب بس ذهب يلكه اليحفر بساسج

رحل عنج نبي

والغربه شبوه نار

اشلون المو نبي بالغصب ماشافج

الى كل من لا يحترم مدينة الادب الناصريه

ما اسكت

وانحسب ويلخرسان

ولا ارضه

جربه التسهل ابمربطنه

احنه انتعله

امهورنه ابلايه اعنان

وحنه النخيط

ايلالها ابمخيطنه

خل ينخبط

جم لابس اوي العريان

تنفرز عدنه

التخن من الرطنه
الصاعد بحر
ميهمه فوج النهران
والما عرفها
ايطم اذانه ابكطنه
عدنه الادب شط
ماحوه بس كطان
مثل الفرات
اليجل يحوي مكطنه
ظل عا لجرف
ليغرك اشجم شيطان
كباك هوايه
الغركاهم شطنه
هم شفت كوكه

اتعلت اعلاه البرهان
وهم شفت كمبورة
ابشجر متوطنه
اظل انتہ اصبع
وحنہ نبقہ النيشان
حسين الوطن
معروف واضح خطنه
بس الاغم
ذاک اليكرم الغمان
لن انعمه
الدولار سحت ابطنه
خل تنزل
ارموز الشعر للميدان
اتبين الخوثة

من الغثيثة وهطنه
اطنه بحلال
انريد اذا بالامكان
جمله شعر
مفهومه منك اطنه
دخان الك
ونعرف بام الدخان
وحجي المجعين
كلشي مايربطنه
الناصرية
ام الشعر والاوزان
او وحي الشعر
ماغاب عن مهبطنه
وحايطنه مرمر

مظلي عالي البنيان

ويدك كصيره

وماتنط حايطنه

والسجه ملحه

اتلوك بس للملحان

نخوتنه هيه

فنه اليزامطنه

اهل المفطح

ولهله والديوان

ربك الباري

الهل مكارم حطنه

مانرفع الجف

كبل طك الفنجان

عالفارغ او متروس

بيهن فطنه

لاكتبين

ولاصفكن للطغيان

اجفوف عفه

وحشه ايكولن عطنه

مولد الرسول الاعظم

تهانينه تهانينه

نزفها للنبي طه

ليالينه ليالينه

مظلمه ونوره ضوها

هله بطلعت ابو القاسم
تهانينه

هله بالمصطفى الخاتم

اليوم الما فرح لازم

ابد مايعرك اجبينه

هله بسر السمه المكنون

هله بشرف اسم بالكون

ابجيته الما فرح ملعون
واضن سفياني كل طينه
هله بصياغة الرحمان
كامل ماكو كل نقصان
هله بمعدل الميزان
وفاض بخير جفينه
بالهادي طفت كل نار
لاضل صنم لا كفار
ابدينه الناس كلها احرار
واضح وجلي دينه
نفس ذاك الزمان ايعود
اجو لينه كفر و يهود
بينه النزل للفرهود
مثل يوم احد سوينه

نهني فاطمه الزهره
وبن عمها علي وسره
وحسن وحسين والعترة
وامام العصر مهدينه

موعة

لأأط أأون

أأطر أأ لأأوف

و لأ أأأ أأأأ أأأأ كسر

ولأأراوأ أأراب

من أأأ أزال

أو المأأأ أأأأ أأراب ونمر

الأأأه أأه

ونأسها أنكلأ وأوش

وماكو رأه أوم ساعأها صفر

الصففه وأأب

أأفرأ بأها أأك

وصفنت اهل العقل ما بيها كصر

الرعونه اخبال

ما بيها شجاع

ولشجاعه تنحسب لهل الفكر

احمل اخوانك

عله سبعين حال

وصير معبر الهم ابهيئة جسر

لاتخالط ناس

مارهموا عليك

كبل لا منهم يجيك الما يسر

شيخ من يقره

شني ابوجه الضيوف

ويفرزن المسرور ولما بعسر

لا اصير الشاكري

احبب الحسين
ولا اصير ابعشرة الطف الشمر
ولا تحمل اذنوب
بيهن موبات
عود ترجمه ايطيحن ابليية كدر
حتى الاخرس
كام يحجي بهل زمان
وكو ناس امخورسه من الستر
البحر نكطه
وينشف ابلايه حياء
والسواد ايدوم اذا ماكو فجر
دنيتهك عاهر
فلا تصفه اعله راي
ودوم عالطيبين ابد ما تستقر

لا اتنم بيها
وتحذر ها زين
مدري ياساعة تطك ماتنحزر
لا اثبت
هرشك ابكاع ويطول
تره الوكحه ابفاسها ازبرك زير
لكن انتة
اويها بمسايس تعال
ولاتهم بفعالها ايريدن صبر
انه وي دنياي
مامره صفيت
اشما اردها اتلود و طكني غدر
ومالذت عنها
اشكتر مرن عجاف

وشكّرت اهاات راوتني اشكّرت

النصر للثبّت

بيها من تميل

وماوكع من مهرته هذه النصر

مولد الإمام الحسن

(عليه السلام)

هله بجيتك

سيدي بنص رمضان

مرحبه بشبه النبي وطباعه

كامل امكمل

اجه ابلايه نقصان

كوكب وعا الارض ضوه اشعاعه

يلي حسنك

يوسفى ونهجك أيمان

بيك فرحانه سمه الله وكاعه

الك شكتب

وبتدي من يامجان

ياكمر ماغاب عن مطالعه

شعري بيك

ابحوره تاهت ولوزان

سيدي مثلك فلا شاف الزمان

وياهو مثلك حمل كل اوجاعه

انتہ ابوك

الصار ثالث با لاذان

وبامر ربنه حبه فرض وطاعه

الزهره امك

بت نبي ونته ريحان

وياهو مثل الراضع ورضاعه

حسين اخوك

الباخرة الهاذه الزمان

ونته ساري هل وكت وشراعه

اليحبكم عاش
كل عمره ابنمان
ونتوا له بيوم الحشر شفاعه
والبغظكم سيدي
والله خسران
عصه ربه ونار اله لساعه
يلي بالساحات
بس انتو فرسان
ليث جم ليث ال لويتوا ذراع
يل ملكت الارض
من اربع اركان
والعلم خضتوه بكل انواعه
ياعزيز الكدر
ياعالي الشان

يارادين الصاع بالف الصاعه

يلي لجروح

الزمن صرت نيشان

ونتم الحلك الزمن دراعه

اسياد كل الناس

انتم ولعيان

بزود ونتم هل مجد صناعه

روس جم كافر

عزلتوا من البدان

ونواصلكم جل برك لماعه

هواي اجوا للدين

شفتوهم الوان

مثل اميه ماكو ابد خداعه

ياكرم وللكرم

صرت عنوان
صار همكم كل فقير اشباعه
دين طه كبر
بس بيكم وبان
انتو حامينه وله فزاعه
ماتوا نيتوا
على البيدين خان
اسباع الكم بالوغى ركاعه
والله يوم الحشر
بس انتو الضمان
للشره حبكم وابد ماباعه
حبنه دايم
الكم ولا بي هوان
شما نهونه وكثرت المناعه

يمته ايهل

قدومك سيدي مولاي يمته ايهل

يامو عود تملي

الارض عدل وخير

الك بس العيون امرابيه وتهمل

قظيته جبيره

ومالها حلال

وترا هي ابغير جيتك ما اضنها اتفل

هاي اسنين نندب

ها يبو الكلفات

الحكمه ناصبي وشظنتك يعدل

وحك جدك علي

مامر على احد ضيم
ضيم المر عليه سيدي يكتل
ومثل جز الوبر
من عدنه جزوا روس
وبس بينه الوكت ضل ينفش ويغزل
حدر رحه صفيه
وليفر مجنون
لا هاود نهار وليل بيه ايجل
لعشاك مصانع
بنوا للتعذيب
شي تعدم وشي تثرم وشي تنتل
حجبي الخامسة
ابغداد تشهد بي
دمنه من البواري اوي النهر ينزل

اليمرض ماله طب

ولا دوه يلكاه

الخلص من حصار من الحرب يكل

مقابر بس مقابر

صفت هاي الكاع

بس دفان ضل وضل المغسل

اليموت ايموت

عدنه ولبقه يرجاه

ونص من عدنه هجت جن هجيج البل

داست فوك ابنها

ادكول اجاها السيل

من شح الحليب ابصدر كل مطفل

لهسه عيونه

ابعر الضهر تنصاب

ماتفرز الرايح ياهو ولمجبل
جثيرات العلينه
وكلنه هم ايهون
وصلت للعظم سيدي ومانحمل

اعاتبك ياموطني

شما انظر الموطني
تاخذني الحركه
ولا بي اغظ الطرف
لا بي عالفركه
نار الكلب من غظه
بي دوم معتلكه
هذا العراق الكبل
صاحب هله وملكه
ربعه ومضايف عرب
ايدل اسمه من غمكه
خف اعله حس الطبل

وذب سيفه ولدركه
ياوسفه صولي جنت
بس الجي مو خكه
مرصوص ولاينثلم
ويظنب ابطكه
شمعنه تبطل اللعب
عاللعب ما تركه
انه ادري ماينغلب
ولا واحد ايسبكه
بس يمكن من الكشط
خف وكبر شركه
من ظيمي ياموطني
اعتب ابهل ورکه

التواضع

يل تصعد منابر جاي
وعندك موهبه ولهام
بهيده بهيده هذا حسين
بدم نحره حمه الاسلام
ولاكنه نعم بالزور
وصفطنه شعرنه العام
كناها النعم لحسين
من جانت عليها اعدام
دكينه الرواح اندور
وكلا كنه للظلام
وذا جانت رياء اشلون

وينطون اليكضنه وسام
امديرية امن ذي قار
صور انه لكوا وفلام
اسالك وين عن حسين
جنت يل تحجي عالخدام
حب حسين مو تهريج
ولا طلعه بصحف وعلام
لاكرت اعيونك كون
وعسى لا ليل بيه اتنام
هويت حسين تتمزك
هاذي الغيره والاقدام
الك وقعها العبودي
المنبر بيها واحلى اختام
انه الما جاملت فد يوم

ربعي وظمظمت مظمام

عدنه بالشعر ابطال

العبودي اول الاعلام

وخالد خضر مابطل

شعره شما تمره اللام

ولا حنبوزي لاعضاض

لا طائي تبعده ايام

ولا غالبي وبن ادنيف

تعبوا عافوا الاقلام

ولا كاظم او اوزانه

تاھت منه والانغام

وبن امساعد وشعره

يجيك من القديم انسام

وضيف ابشاكر وفاضل

وزهر وي علاء ارقام

وبو واثق وبو عادل

شدوا للحسين احزام

الزمن الماضي

عد الما

شايها اسطورة

حرب وجوع

وموت خوف

ممنوع

الانسان يفكر

وممنوع

الانسان ايسولف

وممنوع

اله ابصوره اتعاين

ولو ماكو

ايمنعون الشوف
من اهات
العهد الماضي
بالشارع
يحكم تمثال
والكل تسكت
لازم تسكت
والاخرس
ميصير اينشر
خاف التنشير
اعله الرئيس
او لا ميصير
ادكول الرئيس
الى تحط كدامه السيد

الفهرست...

2	 بطاقة الكتاب
3	 الإهداء
4	 المقدمة
6	 ذى قار
9	 عهد
13	 إلى الوطن
17	 الخلود
22	 إلى س
27	 أم أبيها
32	 حب على
37	 عجز الوصف
43	 عشك حسيني
47	 يا غريب

52	 يا وكح العيون
56	 أبوذية مجارات
58	 وقف
60	 الناصرية
62	 إلى كل من لا يحترم مدينة الأدب الناصرية
62	 مدينة الأدب الناصرية
68	 مولد الرسول الأعظم
71	 موعضة
76	 مولد الإمام الحسن
81	 يمته غيهل
85	 اعاتبك يا موطني
87	 التواضع
91	 الزمن الماضي
93	 الفهرست

